



АС САЛАМ

БИСМИЛЛАГЪИ ПРАХИМАНИ ПРАХИМ

www.assalam.ru

№ 05 (101)

15 май 2010 шин
джумад-ул-ахир 1431 шин
Багъа 17 къ.

assamlak@mail.ru

3 Гъаттаву
чанна
чирахъ...



5 Бунагъ баврий
ряза шавугу —
хъун бунагъри



6 Арснал щар —
ласнал нину



НА ЛАКСКОМ ЯЗЫКЕ

БУСУРМАННАЛ РУВХИАНИЙССА ККАЗИТ

Исламрал ххуллий хларачат буллалисса бусурманчув бивтун увтунни

Май зурул 5-нний ахттайн чаклил чумал Исламрал душмантурал уттигу ца оьбалашиву дурунни. Шагьидтурал бивкюлийну дуняллия лавгунни «Ватан» ва «Прибой» радиостанциярдал директор Шамил Аьлиев ва ганал водителъ Саидмухаммад Оьбайдуллаев.



останциялул хлакьинусса кьинигу инсантал динналул ххуллийн тйайла бацдан бавриву хъунмасса клану бугълагьиссар. Ванивух мудан аьлимтурал насихлатру, мавлудру, нашидру итабакъай. Аьлимчувнал вягъза гьарцагу бусурманчувначан биллан бивкунни.

Къиямасса Кьини жухъва цууххинтиссар: «Зу дуняллий аьлимталну буссияв?» - куну. Бакъахъурча, аьлимтал ххираминнавух ва миннха хурмат байминнавух буссияв, куну цууххинтиссар. Мукуминнавух бивкхъурча, мунил жува Ахиратраву ххассар бантиссару. Шамилун аьлимтал дакнихтуну ххирая, гайннаща мудан бюхъайва ганайн чул бишун.

Цинявпагу буккултрахъ миннат буллау буру Аллагнал ххуллий ливтумий хъама къабивтун, вайннаха дуаь дуллан.

Ас-Салам кказитрал
редакция

Шамиллул хларачатрайну 1997-ку шинал «Прибой» радиостанция зий дайдирахъуссия. Ванивух цайми радиостанциярдава къабаяйсса мавлудру, Къуръан, азан баяйссия. 2007-ку шинал цинявпагу Дагъусттаннал бусурман ххари хъуссия «Ватан» радиостанция зий дайдишаврия. Ва дия Шамиллул цусса проект. Ва ради-

Цури ивкисса Имам Шамил?

Хасавюртуллал районналул имам

Казим-хIажи Темирбулатовлул вягъзалува

«Хъинсса инсантал кьичи лаглагисса чумал Аллагнал рахиму-цими ликкайссар» - куну бур динналул луттирдаву. ХIайпри, ххирацца уссурвал, цанасса чумал Имам Шамиллул ххуй бакъасса махъру тисса инсантал бушиву.



Казим-хIажи Темирбулатов.

Масалдаран, цавай тий бур Имам Шамилгу мунал муридталгу дуняллул, хъуслил цланий талай бивкиссар тий. Ягу Имам Шамил цланил, машгъуршиврул цланий талай ивкиссар тий. Цайминнал учай Имам Шамил рахиму-цими къаклулсса зулмукар ивкиссар. Цайминнахъ цууххирча, Имам Шамил оьруснал ясир увну ивкиссар, му мунал гьалатри, му ахир цукунсса хъурчагу талан аьркинссия тий бур. Мукун тутиминнаву инсаншиврул къанкьрагу лирчун дакъар, гъазават буллалиссару тий, халкъуннал дяниву фитнаду дуллау бур. » 7

Халкъуннал дактру тиртунни!

Ас-Саламрал мажлис Ваччиял шяраву

Майрал 2-нний Ваччиял шяраву хъунни Ас-Салам кказитран хас бувсса мажлис ва мавлуд. Шиккун бавтун бия лагма-ятллуса шяраваллавасса, Лакрал ва Цусса Лакрал районнаясса ва МахIачкъалалиясса хъамал. Ккуллал районналий укусса мажлисру чIявуну къашай, мунил буну ванил агъамшиву хъинну хъуннасса дия. Махъ лавхъминнал Ас-Салам кказитрая бакъасса, хлакьинусса кьини жулва ялун бивсса балардаягу буслай бия.

Мажлис тивтунни Ваччиял шяраваллил имам Увайсов МухIаммадхIажинал. Ванал бувсунни Аллагу Тааьла кьичи лаглагисса, мавлудру дуклакисса, Исламрая бусласисса мажлисирттай шябикIаврия цукун хъунмасса мюнпат ва барачат бияйсарив. «Укусса мажлисирттайн, мавлудирттай чIявуну батIай бакъанутгий жулла дин жунна хъама ритлай дур, инсантурал дактурдиву Иман хъара хъанай дур, МухIаммад Идавсил оьрму хъама битлай бур» - увкунни ванал.

Ас-Салам кказитрал Лакрал ва Ккуллал районнаясса вакил Массуев АьлиасхIаб буслай ия кказит чичаву ва дин машгъур шаву Лаккуй цукун най дуссарив. «Ас-Салам кказитрал бара-чатрахлуну, ванил ххирашиврухлуну Аллагу Тааьланал жува шикку бавтун буру. Ва хъанай бур Лаккуй цалчинсса Ас-Салам кказитран хас бувсса мажлис. Шикку хлакьину жулва жамаа-траясса инсантал чанну бивкун бур. Муния хъинну къащи хъанай дур. Укусса мажлис шяраву буллалисса чумал шяраваллил инсантал бавтун, гьуртту хъуну, цанма кIулмур бувсун, къаклулмуния суал буллуну, хIала буххан аьркинссар. Цанасса чумал жува буру жулва оьрчIал, душварал жулва

увкумур буллау бакъар, вичи дихълай бакъар тий. Му шийсса аьйри - жуьйрасса аьри. ЦичIав хайр бакъасса, бусурманнан лайкъ дакъасса байрану дуркисса чумал жува мий къатун тIайла буккару, тяхъашиву дан гьан бугару. Циванну жува укуссса Исламрал мажлисирттайн мизитиртавул къабучIайсса жулва оьрчIругу жушIалва бугуну, вай имамтурал, аьлимтурал ци бусайрив, жунма дуняллий ва Ахиратраву мюнпат ласунсса ци кIул шайрив ххал бан. Мизитравун учан нач хъанан циванни? ХIан хIачIачIимий, къалиян тутимий, наркотикру буллалимий, жагьилтал тIайласса ххуллия бийкьин буллалимий нач хъанахъича.

ЧIявуну хъуна бакъай инсантал «Лакку мазрайсса динналул лу бакъар, журнал бакъар» тисса. Мукуминнан аьркинни ва кказитту чивчуну, цалва гьира бусса суаллу гиккун гьан буллан, ягу ссан хас дурсса макъалартту чирчуну ччай дуссарив буслан» - увкунни ванал.

ЧIяиннал шяраваллил имам Къурбанов Исмаил-хIажи оьвтгий ия мажлисрай бавтминнайн, ва кказит бивккуну махъ, пикри буну, бивкумуния цукунсса хIасил дан багълай бурив ххал буну, кказитрая бюхъайкун хъунмасса мюнпат ласун хларачат бан. » 2



Ваччиял мизит.

ФОТО АС-САЛАМ

Халкъуннал дакъру тIиртIунни!

1 « Гъази-Гъумучиял имам Саламов МухIаммад буслай ия хIакъину бусурманнайн дирсса азардая: «Жунма чIалай бур цIана гъарца кIанттай яла ххуй дакъамий хасиятру гъарза хъанай душиву: хIан хачлаву, зуна баву, терроризмаллийн оьвтIисса сектардавух хIала буххаву, бусурманнаву фитнарду чIяву хъанхъаву. Жунма цуксса къач-

даентIиссар. Гъаттаву ивхъусса чIумал Мункар ва Накир малаиктал бивкIун, суаллу буллан бивкIукун, маз бавхIуну, гайнахъхъун жаваб дулун къабюхълай личIайссар. Мунал рухIирангу Къиямасса Къини дучIаннин аьзав дикIантIиссар. Дунияллий обккисса бунагъру буллалиманахъ ссихI дуккайсса цучIав къаивкIхъурчагу, ми бунагъирттал кIушиву жун-

за бия гъарцагу бусурманчув мундан Иблислуштал ва цалва нафсраштал талан аьркиншиврун хас бувсса. «Аллагънал МухIаммад Идавсийн сура «аль-ФатихIа» («АльхIам») гъан бувсса чIумал, Иблис хъинну пашман хъуну, агIун бивкIссар. Мунин кумаг буллалимий мунил лагма лавгун цIухлан бивкIссар: «Ина мукун пашман ссал бувра» - тIий.

налувусса инсанталгу чансса бикIантIиссар, миннан Аллагънаесса чиригу бикIантIиссар ххюцIала асхIабнануксса». Цамур хIадисраву бувсун бур, МухIаммад Идавс цалва асхIабтурахъ тIий

Хъирив махъ лавхъунни Хъюллал шярваллил имам БахIарчиев НурмухIаммадул: «Хъюра-ряхра шинал хъхъичI ва кказит чичин шархъайх гъарцанначIан шаппа-шаппай заназисса чIумал, жулва инсан-



чайнугу, ми азарду жучIарагу дур. МухIаммад Идавсил хIадисрайн бувну, ми цинярдагу ахирзаманнул лишанну хъанхъиссар. Мунил савав цири? Ххал буллан, хъирив лаяву дуллан бивкIукун, хIан хачIангу, обккисса тIул дангу, инсан ивчIангу, дацингу, цаймигу обккиса аьмаллу, хъунисса бунагъру бангу Аллагъная нигъ дакъар инсантуран. Нигъ дакъашиврул ца багъанагу – Къиямасса Къини дучIаврин шаккирай бушиву. Жува цинявппа Аллагънайн вихну буру, амма Къиямасса Къини дучIантIиссар, Алжан-Дуржагъ буссар увкукун, чIявумий бикIай мий укунмасса магъри ххай. Къиямасса Къини дучIаврин вих шаву хъанхъиссар Иманналул рукнурдавасса ххюйлчинмур рукну. Иманналул ряхрагу рукнулувасса цаннинмагу жува инкар булларча, жулла Иман Аллагънал къамул къадайссар. Масъала, щил-бунугу учирча: «На Аллагънайн вихра, амма малаиктурайн къавихра» - куну, му инсан Исламравату уклакиссар. Мукунса инсан цува бусурманчувра тIий унугу, цала цува хъявринулай уссар. Инсан ивкIусса чIумалгу, ва дунияллий Иман дакъа ивкIуманал гъав Дуржагърал ххунтIуллуин кIура

ма Ахиратраву ккаккан най бур. Аллагъу Тааьланал гъарца обккисса тIулланул жазаьгу булун най ур, гъарца ххуйсса аьмалланух ажругу булун най ур. Жува му Къини хъама къадиртун, му Къинилия нигъа бувсун бухъурча, бунагъ



бан нанисса чIумал, бувнуияр къабувнува хъинахха тIисса пикри буххантIиссар».

Дагъусттаннал Исламрал университетраву дарс дихълахъсса МахIадов МухIаммадрасуллул вяъ-

Иблислул увкуссар: «МухIаммадул умматрайн гъан бувунни мукунсса сура, мунил барачатраину бусурман бякъайкъинтIисса, амма тIун цамур ххуллу лявкъунни, гай тIайласса ххуллия баччан бансса». Гайннал цIувххуссар: «Му ххуллу цумурди?» - куну. «На инсантуран ххуймур обккину ккаккан банна, обккимур ххуймурну ккаккан банна» - увкуссар Иблислул. Му хъанай бур хIакъинусса жулва бала. Жунма чIалай бур дунияллий жулла дин кунна марцIсса зад дакъашиву. Халкъуннал ххасаршивугу так му динналуври дусса. Щаллагу дунияллийсса халкъ бур му зад бувчIлай бунутIий Исламравун букIлай. Ца чIумал Идавсил лагма чIявусса асхIабтал бавтIун шябивкIун бивкIун бур. Идавсил увкуну бур: «Къиямасса Къини гъан хъанан диркIукун дучIантIиссар мукунсса чIун, бусурманчув цала динналуву личIаншиврул хъуннасса



ивкIшиву: «Аллагънал цайва ялув бивхъумунива ацIва бутIул ца бутIавагу зу биттур къабувну личIарча, зу ххасар къахъунтIиссару, амма дучIантIиссар чIун, бусурманчувнал цайва ялувмунива ацIва бутIул ца бутIа биттур барчагу, му ххасар хъунтIиссар». ХIакъинусса къи-

турал ва хъинну захIматну чичайва. Цана тIурча, Аллагънайн шукру, инсантурал дакъру тIиртIунни» - увкунни ванал.

Ас-Салам кказитрал менеджер Абдусабир АхIмадов буслай ия жулва ялун нанисса жагьилтурал ник тарбия даврия. «Жулва оьрчIру-душру, жагьилтал багъайкун, Исламрайн бувну тарбия къабулларча, гай гъунтти шагърулийн дуклан гъан бувсса чIумал чув-бунугу саунардаву ягу цайми аьркин бакъасса кIанттаву ляхъин бюхъайссар. Мукунма, жагьилсса оьрчIругу, мюрщинубу бусса чIумал хIакъсса динналул нур миннал дакIурдивун нитти-буттал къадутIирча, мий оьрчIру нитти-буттайн данди буклан ягу вацIравун гъан бюхъайссар», - увкунни ванал.

Вяъзардал дянив хъинну асар хъунну мавлудру ккалай бия Гъушциял имам ХIажимухIаммадов Оьсман, Ури-Мукъардал имам ХизрихIажи Маммаев, Гъумучиял шяравусса Ханнал мизитрал имам Къурбанов Шаьбан, Шардал имам АбдурахIманхIажи, ва цаймигу имамтал ва Дагъусттаннал Исламрал Университетрал студентгIал. Мажлирал ахирданий цинявппагу бавтIминнал дуаь дурну Аллагъу Тааьланахъ шалвагу Дагъусттан бала-апатIиртташа буруччаву чIа увкунни.

Учредитель
Благотворительный фонд «Путь».
Газета печатается по согласованию и одобрению Духовного управления мусульман Дагестана

Редакционный совет
Председатель редакционного совета муфтий РД Ахмад-хаджи АБДУЛАЕВ
заместитель муфтия РД Махди-хаджи МУТАИЛОВ

Главный редактор
Патимат ГАМЗАТОВА

Редактор
Иса ОМАРОВ

Канонический редактор
Сайфулла МАГОМЕДАЛИЕВ

Ответственный секретарь
Ахмад МАГОМЕДОВ

Менеджер
Абдусабир АХМЕДОВ

Компьютерная группа
Лейла ГУСЕЙНОВА
Гульнара АБДУЛАЕВА

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-37006 от 29 июля 2009 г. При перепечатке ссылка обязательна. Набрано и сверстано на компьютерной базе газеты «Ассалам».

Отпечатано в ООО «Дом печати» по адресу: пр-т Акушинского, 20

Заказ № _____

Тираж 3. 300 экз.

Сдано в печать 13 мая 2010 г.
Индекс 51388
Адрес редакции
367015, РД, г. Махачкала, ул. Азиза Алиева 2.
Тел.: (8722) 61-00-64.

По вопросам подписки и доставки обращаться по телефонам: по Республике Дагестан – 8-988-699-28-24 по г. Махачкале – (8722) 914-222.

E-mail: assalamlak@mail.ru;
www.assalam.ru

Тайласса ххулийн кѳура балмай

Ваччиял шярваллил имамнащалсса интервью

Увайсов Мухаммадхѳажи, увссар 1971-ку шинал Ккуллал районна-лийсса Ваччиял шяраву. Дянив-мур школа къуртал бувну махъ Махѳачкъалалив заводрай зий ивкѳссар. 2002-ку шинал Дагъ-усттаннал Исламрал университе-травун дуклан увхссар. Мунияр махъ Дагъусттаннал бусурман-нал Рувхѳанийсса Идаралий зий ивкѳссар. 2007-ку шиная шиная Ваччиял шярваллил имамну зий уссар.



Мухаммадхѳажи, хѳакъинусса къини зул шяраву динналул тагъар цукунсса дур?

Жул шяраву, цаймигу лакрал щар-хъаву кунна, дин личѳину машгъур-ну дакъар. Амма дурагу дакъар учин-гу къабюхъанссар. Уттигу инсантурал дакурдиву Иманналул чани щаллу-ну лавхъун бакъар. Арулѳалла шинал мутталий, атеизмалул чѳумал, Ислам-рая буслан къабитлай бивкѳунтѳий, чѳявуминнан дин цириврагу кѳулу дакъар. Щана хѳалли-хѳаллих инсан-тал бур динналул кѳулшивурту ласлан хѳарачат буллай. Халкъуннан бувчѳлай бур марѳсса динналия гайнан так ххуймур бияншиву, барачатшиву дучѳантѳишиву. Хъхъичѳва бивкѳмуних

бурувгун, динналучѳансса гъира хъун хъуну бушиву чѳалай бур. На шик-ку имамну зун увкѳун шанна шин хъунни. Ва мутгалийгума мадарас-са хъхъичѳуннайшиву хъунни. Ислам кѳул хъанахъиссаксса жулва инсантал чантѳ увкуну, Аллагънал ﷻ чулухунмай кѳура баянссар, иншаАллагъ.

Зул мизитраву мюрщисса оърчѳан динналул гъанурду лахъхъин булансса сант дуссарив?

Альхѳамдулиллагъ, мукунсса сант дур. Мизитравун бучѳайссар мюрщис-са оърчѳру ва душру тѳайлану Къуръан буккин, чак бан, Исламрал гъанурду, Мухаммад Идавсил ﷺ оърму ва цай-мигу динналулѳун бавхѳусса масъалар-

ду кѳул бан. Мизитраву бакъасса, жу гъарца шяравусса школардай дукла-ки оърчѳащал хъуна бавкѳуну, экстре-мизмрая, наркоманиялия ва цаймигу аъркин дакъасса хасиятирттая цукунс-са зарал бияйссарив бусару. Дуклаки оърчѳругу хъинну гъирарай жух вичѳи дихълан бикѳай, суаллу буллан бикѳай.

Имамнал давриву цукунсса захѳматшивуртгащал хъуна акъин багъай? Даву щаллуну даншиврул ци диял хъанай дакъар?

Диял хъанай ци дакъар учир-ча – хъхъичѳва-хъхъичѳ мизитиртгавун бучѳайсса жамаат биялну бакъар. Яла-гу районналийса щархъаву Исламрал даву дачин дансса имамтал чанну бур. Щалла Ккуллал районналий жу так 3-4 имам буру. Яламур гъарзад диялну дур, Аллагънайн ﷻ щукру.

Инсантурал булайсса суаллу ссан хас бувсса бикѳай?

Цалсса уттигу захѳматсса Шариаъ-тарал суаллу къабулларчагу, чак, зума, хѳалал-хѳарам ва цаймигу динналул гъануну хъанахъисса масъаларттая цѳухлан бикѳай.

Районналул ва шярваллил администрациялул чулуха кумаг бури?

Администрациялул чулуха жун мудангу хъунмасса кумаг бур.

Гайнначѳан ци суаллануштал уххарча-гу, жун гайннал шайкун кумаг бувай, къамул къабувну тачѳав зана къаби-тару. Районналул администрациялул зузалтращал архѳал жу гъарца шяр-аву жамаатиртгащал хъунабакъавурт-ту, мажлису бувару, дуклаки оърчѳру бавкѳусса ххулийх гъан къабитансса даву дачин дулай бур. Иншааллагъ, ванияр тихунмайгу архѳал зунсса умуд бур. Аллагънал ﷻ кумаг баннав, тав-фикъ дулуннав!

Ваччиял шяраву Ас-Салам кказит чичаву цукун най дур?

Ас-Салам кказитрал дин кѳул даври-ву цукун хъунмасса кѳану бутълай бусса-рив тун хъинну кѳули, цанчирча, тул-ла цалчинсса Исламращалсса кѳул шаву му кказитрайхѳин хъуну тѳий. На ва кка-зитрава ласайссия ттунна аъркинсса дин-налул элму. Хѳакъинуту на мунива ттун-ма хъунмасса мюнпат ласара. Жун, имам-туран, му кказит кумагчину хъанай бур. Мизитиртгавун бучѳайсса инсантал чанну бухъувкун, жамаатграхъ насихѳат бусан, вяъза бансса сант чѳяруну къадагъай. Ас-Салам кказитрив, сайки гъарца къат-лувун букѳлай бур. Альхѳамдулиллагъ, гъашину жул шяраву ттуршуннийн бивс-са кказитру чивчунни.

Аллагъу Тааъла жуятува цинявнна-ягу рязину лякъиннав, бунагъиртгал аѳву баннав, Дин-Исламрал ххул-лийх бачин тавфикъ дулуннав! Амин!

Гъаттаву чанна чирахъ...

Бархъаллал Маллайл шеърирдавасса зикри

*Ва зикрилул ххирашив
Кѳуллия инсантуран
Инсаннахъ дувай жуав
Зикрилийну данссия.*

*Щил учирчагу даим
ЛА ИЛАГЪА ИЛЛАЛЛАГЪ
Дакѳний бауѳайссар къаим
ЛА ИЛАГЪА ИЛЛАЛЛАГЪ.
Буллалалимур тѳайлассар
Дакѳ нурданул дуѳайссар
Чурх тачѳав къалийссар
ЛА ИЛАГЪА ИЛЛАЛЛАГЪ.*

*Бувкку гъантри бух лавгун
Ина гъаттавун увххувкун,
Мункар-Накиртал бувкѳун
Суал буллан бивкѳукун,
Гъайбатирал цѳакъшиврул
Вин маз хъама бивтубкун,
Вихлува гъалгъа бансса
Цуѳав вин къалявкѳукун,
Вин хѳуччану бауѳанссар
ЛА ИЛАГЪА ИЛЛАЛЛАГЪ.*

*Та Къиямасса Къини
Махѳшарданий бавѳукун,
Заннаясса хѳаялул
Лажин ятѳул дирчукун,
Кѳиршиврул цѳакъшиврул
Вил ня щаран диркѳукун,
Вин ххютну бауѳантѳиссар
ЛА ИЛАГЪА ИЛЛАЛЛАГЪ.*

*Та Къиямасса Къини
Аъмал буѳлан бивкѳукун,
Вил бунагъирттал цинцил
Тти кѳу хъанан диркѳукун,*



*Вил цинцилттуй бишинсса
Аъмал вин къалявкѳукун,
Вил цинцилттай бауѳанссар
ЛА ИЛАГЪА ИЛЛАЛЛАГЪ*

*Та Ссиратѳуллал ламуйх
Ина лавхъун авчукун,
Танил хъинну байлишиврул
Ччанну къукълан бивкѳукун,
Ка дугъан кумаг буван
Цуѳав вин къалявкѳукун,
Вин хъаттирдуну хъунссар
ЛА ИЛАГЪА ИЛЛАЛЛАГЪ.*

*Марѳуну Идавсил тѳааът
ЛА ИЛАГЪА ИЛЛАЛЛАГЪ
Малаиктурал дуав
ЛА ИЛАГЪА ИЛЛАЛЛАГЪ*

*Циняв шайхтурал талкъин
ЛА ИЛАГЪА ИЛЛАЛЛАГЪ
Муриднал нурул мубин
ЛА ИЛАГЪА ИЛЛАЛЛАГЪ*

*Аъшикътурал хѳачѳия
ЛА ИЛАГЪА ИЛЛАЛЛАГЪ
Абдалтурал дукия
ЛА ИЛАГЪА ИЛЛАЛЛАГЪ
Асхѳабтурал лахъия
ЛА ИЛАГЪА ИЛЛАЛЛАГЪ*

*Алжаннул хъулул мугъру
ЛА ИЛАГЪА ИЛЛАЛЛАГЪ
Дужжагърал муххал бару
ЛА ИЛАГЪА ИЛЛАЛЛАГЪ
Аллагънал ﷻ буюр бувмур
ЛА ИЛАГЪА ИЛЛАЛЛАГЪ*

*Жабраил лавсун увкѳмур
ЛА ИЛАГЪА ИЛЛАЛЛАГЪ
Мухаммад ﷺ ххари хъусса
ЛА ИЛАГЪА ИЛЛАЛЛАГЪ
Умматрахъ буюр бувсса
ЛА ИЛАГЪА ИЛЛАЛЛАГЪ*

*Иблис зурзу тѳи баймур
ЛА ИЛАГЪА ИЛЛАЛЛАГЪ
Гъаттаву чанна чирахъ
ЛА ИЛАГЪА ИЛЛАЛЛАГЪ
Махѳшарданий тѳунтѳисса
ЛА ИЛАГЪА ИЛЛАЛЛАГЪ*

*Мискинтурал ххазина
ЛА ИЛАГЪА ИЛЛАЛЛАГЪ
Пакъиртурал садакъа
ЛА ИЛАГЪА ИЛЛАЛЛАГЪ
Къадру лавайсса калам
ЛА ИЛАГЪА ИЛЛАЛЛАГЪ*

*Мазрал нахѳусса гъалгъа
ЛА ИЛАГЪА ИЛЛАЛЛАГЪ
Рахѳмантурал ххуйшиву
ЛА ИЛАГЪА ИЛЛАЛЛАГЪ
Хѳабибнал ххирашиву
ЛА ИЛАГЪА ИЛЛАЛЛАГЪ
Устарнал камилишиву
ЛА ИЛАГЪА ИЛЛАЛЛАГЪ*

*Баргъ лавгун цѳан шайшиву
Жунма кѳулул бухъурча,
Чирахъ хѳадур бувара
Чаннай цѳабикѳан ччарча.
Къаритайшиву кѳулхъурча
Ва фанасса дуниял,
Дакѳурдил тѳунтѳи бара
ЛА ИЛАГЪА ИЛЛАЛЛАГЪ.*

Фатимал ихтилат

Марьям Амирханова

Бивкун бур ца чивисса душ. Ганин цагу диркун дур Фатима. Ганил бивкун бур нину, бутта ва чивисса усуу Рамазан. Бутта кюрххил чяни ивзун, ваймигу бизангу буну, чак бан мизитравун лагайсса ивкун ур. Ниттил Фатима бизан байсса бивкун бур архал кюрххил чак баншиврул. Рамазан шанан итайсса ивкун ур, га уттигу чивисса унутий.

Фатиман бизан ччай кьабивкун бур. Ганин гьелисса шануву утту бишин ччай бивкун бур. «Ссан аркинссар бизлан, дяркьусса щинай чаклин бислан, чак буллан...» - тисса пикри бивкун бур ганил бакравун. Амма нину ганищал рязину кьадиркун дур. Ганил Фатима бизан буну, чаклин биссун тлайла бивкун бур. Яла гай кивагу архал чак буллай байбивкуну бур.

Баргъ гьаз шавайсса чумал бутта мизитрава учайсса ивкун ур. Ца чумал шавай увкуну, ганал цувхуну бур: «Фатимал кюрххил чак биврив?» - куну. Ниттил увкуну бур: «Бувунни, амма ганин бизан хьинну кьаччай бия». «Му цукунни!» - махлатгал хьуну ур бутта. Ганал душнийн овькуну,

цалва никирттай щябивтун, цувхуну бур:

- Фатимай, вил Аллагнащал ☞ гьалгьа бан ччай бакъарив?

- Аллагнащал гьалгьа тун цукун шайссар? – махлатгалну цувхуну бур душнил.

- Шайссар. Вин кьакулссия?

- Кьакулссия!

- Жулва чак Аллагнащалсса ихтилат хьанахьиссар. Жура дуклакисса дуьртту, сурарду Аллагнан ☞ баллалиссар. Чаклил чун дуркукун, Аллаг ☞ ялугьий уссар жува чаклий бавцуну цащалва ихтилат байбишинин.

- Му ттун кьакулссия, - увкуну бур Фатимал. – Туну на кюрххил бизан кьаччай шанашисса чумал Аллаг ☞ ттух ялугьлай ивкссарив!

Фатиман хьинну нач хьуну дур. Га чансса аьтлунгума бивкун бур.

Гунтимур кюрххил Фатима щиньявннар чяни шания бивзун бур. Буттааргума чяни. Га кьини щингу мукссара дяркьусса кьадиркун дур. Фатима бивкун бур ссавур духларгун анаварну чак байбишин ччай. Гай ниттищал архал чаклий бавцуну бур. «Аллагу акбар» увкуну Фатимал байбивкуну бур Аллагу Таабланащалсса ихтилат...



Ккурчла

Хучбар, Махлач ва Дахлада

Хучбар: Ассаламу Аьлайкум, Махлач. Хлакьину инавалу ураха, жула дус Дахлада чув ур?

Махлач: Вааьлайкум Ассалам, Хучбар! Га цана учантиссар, тучанналийн кьалиян ласун лавгунни.

Хучбар: Вагъ, цукун? Мунал кьалиян кьадиртун дачи шиннихха!

Махлач: Нагу мукун тий уссияв, амма пайда бакъар. Жула члахучув Ахлмад хажлив лавгсса чумал, ганан кьалиян учайсса аьраб ххал хьуну бия. Утти Дахлада ур кьалиян учин кьабучисса бивкссания, аьрабналгу кьатлунтиссия тий.

Дахлада: Ассаламу Аьлайкум, ттул ххирасса динналул уссурвал! Ттуяту гьалгьа тий бурув? Ттун гьарзад бавунни шикуну нанисса чумал. Дачи шинал хьхьич на мяйжаннугу кьалиян кьадиртессия, жула имамнал му хларамссар увкунутий. Яр мунан Маккаливсса аьрабнар ххуйну дин киллссарив? Ганал цаний на дачи шин дав ях буллай, ца кьалияннагу учин ччай, ци бансарив кьакулуну. Макрагума ттуна нава чалай ияв кьалиян тий.

Хучбар: Иширах ургарча, вил аьклу баххана хьуну

бур, усуу. Вин дакнийн бакъарив мажлисрай Исламрал яла гужмий аьлимтал ци тий бивкссарив: «Зулова зува малитларди» тий бакъаяв? Чурххан, кулпатаран ягу лагма-ялттуминнан зарал биян баймур гьарзад хларамссархха.

Дахлада: Туну циванни аьрабнал учайсса кьалиян?

Хучбар: Идавстураву, имамтураву, валитураву, шайхтураву цаягу кьаивкссар кьалиян учайсса, ягу учин ихтияр дулайсса. Гай Шариьтраву бумур гьарзад биттур буллай бивкссар, ва гайннал динналува кьадурну кьадирсса цичлар дакьассар.

Махлач: Маккалив кьалиян тисса инсантал аьраб бушиву вин ча килли, тикку чивусса буссар цайми билаятирттава бивкссагу. Ялагу, дунияллий чак кьабайсса аьраб ушиву кил хьурча, инагу кьабитаннав чак?

Дахлада: Чак на тачлав кьакьабитанна! Ттун Аллагна ☞ нигь дур.

Махлач: Мукун бухьурча, бунагь бавричла Аллагна ☞ циван нигьа кьаусара?

Дахлада: На бунагь бан нигьа усара. Ттун ххива аьрабнаву учайхьурча, му бунагь бакьасса...

Хучбар: Ца луттирай чивчуну бия, кьалиян учариву хларам бакьассар, му увкуну кьахьинссар, карагьатсар учирчагума, шамийла тикрал бувсса карагьат чиви бунагьрайн ккура баяйссар, чиви бунагь шамийла барча, муния хьун бунагь шайссар тий. Утти пикри бувара кьалиян учайма гьантлун цуксса хьун бунагь буллай урив! Шинал мутталий ласурчагума, цуксса хьун бунагьру хьанай бурив ххал бара!

Махлач: Му бакьассагу, танмаку ххавхссар иблислул килцин бувсса кланай.

Хучбар: Хьхьичава заманнай ци-дунугу ххуй дакьасса тул дуллай кьавкуну, алимчув дуллай ухьурчагу, халкь биклайва муния арх хьун хларачат буллай, динналул килшивугу аькьлугу бусса бивкун тий. Цанарив миннал учай: «Кьабучисса бивкссания, минналгу кьабуллантиссия», ва ххаригу хьхьуну цивпагу дуллан биклай.

Махлач: Циньяв хлакьсса аьлимтал жухьва буслай бур, инсаннал чурххан зарал баймур хларамсса бушиву.

Дахлада: Цу зия лагивуй – щяйтланнул уртту. Кьалиян тий цал айиширча, кьадитан хьинну захлатсса зад дур. На ивкссара дахьра вай машангу ларсун учиннин учинна тий. Аллагнайн ☞ щукру, царагу кьаувкусса.

Хучбар: Инания миннух арду дулунни, учин тий акъахьурча, лавгун махьуннай тучанналувун зана дува.

Дахлада: На вай зана дарча, цаманал ларсун учин най дакьарив? Цими бунагь банссар мунал!

(Дахладал цалва канихьсса кьалиянналул пачка ккуччу буну эки ливчунни).

Махлач: Мяйжансса бусурманчув мукунссар иклан аркинсса – Аллагнал ☞ сситтуя нигьа увсун ва Цимилийн хьул бивхьуну, омур кьабитан бюхьайсса.

Хучбар: Дахладай, Кьиямасса Кьини ттухагу шафаьт бува. На тачлав кьалиян кьаувкуссар, амма ттун бивчлай бур му кьадитаву захлатсса иш бушиву. Иман дакьасса чумал, нафсрал аькьлу цихава зузи байссар.

Махлач: Альхамдулиллагь, жула гьалмахчувнаву иман дур.

Иттилат чивчуссар
Хусман Халиловлул



Гъабил ивчаврил ва Шис عليه السلام идавсшиврий ацлаврил бусала

Гъази-Гъумучиял Гъази ибн Хласан-Хусайн аль-Хусайнинал «МатГалиоьл Жумгъур»

(дайдихъу хъхьичИмий номердай)

Аллагънал ﷺ вахИий ливккун ур Икьлима Гъабиллун цар була, Лаюса – Къабиллун була, куну. Къабиллун: «Лаюса къабудинна, Икьлима ттуцалва архІал бувссар, кІа бакъа къабудинна», - куну бур. Га чІумал цалва ссу цанма буцингу дурусну бивкІун бур, наслу чІяву хъуншиврухлуну. Яла Адамлул ﷺ увкуну бур: «Ина Аллагънайн ﷺ аьсив машара, ттухъ Заннал ﷺ мукун амру бувунни» - куну. Ганал увкуну бур: «На ттулва ссу буцин Гъабил къаитанна» - куну. Яла Адамлул ﷺ увкуну бур: «Насиярача инагу, вил уссу Гъабилгу, кІинналвагу къурбан бувара Аллагънан ﷺ зула яла ххуймур задрайну. Къурбаннугу ца кланай бивхъуну, бурутлай бацІияра. Цуманал къурбан къамул байрив, мунал Икьлима булунтІиссар» - куну. Муний рязий хъуну, кІиягу Маккалив лавгун, ца зунттугун лавхъун, Гъабиллул цала яла хъинмур цІуку къурбан бувну бур, Къабиллулгу лачІа къурбан бувну бур, цивпагу букъавцІусса. Яла кІиягу ялугълай бавцІуну бур ци шайрив ххал бан. Ца чІумал ссаврунная ца кІяласса ттурлу дуркІун, Къабиллул къурбаннул ялун дуркІун, зана диркІун, ГъабиллулмуничІан ларгун, гагу лавсун ссавруннай ларгун дур. Микку Къабиллул Гъабиллухъ увкуну бур: «Ина га ттул ссу буцирчан, на ина ивчІанна. На вил оьккисса ссу бувцуну, ина ттулва ххуйсса ссу буцин къаитанна» - куну. Къабил ивкІун ур Гъабил цукун ивчІансарив къакІулу пикрирдай. Му чІумал муначІан ца цала уссил суратрай иблис бувкІун, щяту кІива чару лавсун, цаннийх-ца бивщуну, кІигъавгъун бур. Къабилгу ялугълай ивкІун урча, мунал увкуну бур: «Навагу Гъабиллун укун цан къабайссар» - куну. Му ссят ивзун лавгун ур цала уссицІан. Ганан Гъабил ца зунттулу шанай лавгуну ур. Къабиллул ца бюкъ лавсун, ганал бакІрал ялун бувтун, ивкІуну ур. Адамлул ﷺ оьрчІал хъхьичІа-хъхьичІ зулмулий ивкІума мури. Гъабиллун му чІумал оьрмулул дахъра къура шин диркІун дур. Яла Къабил мунал банмур къакІулу

ивкІун урча, ца дарвагравун увтун, мукъах ивщуну занан ивкІун ур. Урттилсри, лелуххант ганал лагма буклай, къарал буллай бивкІун бур, га ганал къаивтукун уканишиврул. Яла Аллагънал ﷺ ганачІан кІива хъатІу гъан бувну



бур. Гайннива цаннил гамур бивкІуну, цилва къеппук ва ххяппук хъунтІа дурккун, га хъунтІуллуву бивхъуну, ялун аьрши дирчуну, бахълаган бувну бур. Му чІумал Къабиллул увкуну бур: «Ва хъатІул бувмур бан къабюхълайрав на ивкІсса, ттула уссу ахълаган ан къахъанай!» - куну, пашман хъуну ур щаллусса шиная гагу мукъах ивщуну занай икІаврия. Га Къабиллул Гъабил ивкІусса чІумал, дуниял сукку хъуну дур, арулва гъантлий гъарца кьини ари-арийлла сукку хъанай диркІун дур. Муниин дуниял суку къархъуссар тІар. Му чІумал баргъу бувгъуну бур, муниинн къабувгъуну бивкІун бур. Ялагу мурхъирдайсса ахъулссаннул тІааьн баххана хъуну бур, щинал тІааьн къурчІи хъуну бур. Га Гъабил Къасион тІисса зунттугуй оьгтул нуххулу ивхъуну ур, ганал оьгтугу лухччинувун бювкьун бур.

Гъабил ивкІусса чІумал Адам ﷺ Гьиндуллаву ивкІун ур, ганан му ивчІавугу къакІулхъуну бур. Адам Идавсин ﷺ Гъабил хъинну ххирассагу ивкІун ур. Амма Адамлул ﷺ дакІнийн ца къумашиву дагъну диркІун дур-

ча, цивхъуну бури ххал бан авчуну ур. Цала оьрчІачІан ивкІун, Гъабилгу ивкІунну, Къабиллул ганал яттугу бувцуну, Икьлимагу цанма бувцуну лавкІуну бур. Адам увкІукун, Къабил нигъа увсун, ливхъун лавгун ур. Яла Адам аьтІун ивкІун, ХІаван бавукун, вев тІий бувкун бурча, муният, ца мусибат ливккукун, вев учаву аьдат хъуссар.

Гъабил ивкІуну махъ Адам ﷺ шиная хъан къаивкІун ур, ХавачІан гъан къавхъуну ур. Яла Аллагънал ﷺ вахИий ликкан увну, увкуну бур: «Му аьтІаву, му пашманшиву вил цуксса хІаллайри дикІантІисса? На вин га арснахлу цама арс улунна, вил хъирив хъун идавснуну икІантІисса. Мунал наслутияту Къиямасса Къини дучІаннинсса идавстал хъунтІисса. Мунал аьламатгу – му арс цувалу антІиссар, мунал цІагу Шис диза» - куну. Шис тІисса мукъ-

ул мяънагу суръяни мазрай Аьбдулагъ, яъни Аллагънал ﷺ лагъ, тІиссар. Га оьрчІ лякІулу хъувкун ХІаван хъис кІушиву къархъуну дур, айний цичІав захІматшиву къархъуну дур. Цувагу увну ур Гъабил ивкІуну ттуршра шин хъуну махъ. Яла Шис ﷺ увну махъ Адам ﷺ эбадатраун агъну ур, цачІанма ликкан бувсса сукІуфру буклан ивкІун ур. Шисгу ﷺ цала уссурваралсса буллай, гайннал дянив хІакъмунийну хІукму буллай ивкІун ур.

Ца кьини Адам ﷺ цалва халватраву унува Аллагънал ﷺ муначІан вахИий ликкан увну ур: «Ина утти вила асрнайн Шислуий васият бува На вихъва васият бувсса зад. Утти на вихъ бивкІу ккухІин банна, вийгу, вил авладрайгу цув ялув бусса Къиямасса Къини дучІаннин» - куну. Му мукъяту Адам ﷺ ццах увкуну: «Я Рабби, му бивкІу ци задрикъай?» - куну бур. Яла мунал Шис увцуну, ганахъ чІявусса задру васият бувну бур. Мунахъ ТІупан бутІинтІишивугума бувсун бур. Халкъ-аьлам гъалак хъуншиву, хъхъ-къинилулу эбадат дайсса чІунну бувсун бур. Яла ца ссупра буккан бувну бур кІяласса дарайлул, ганий идавстурал суратру дусса, Къиямасса Къини дучІаннин дунияллий паччахІтал хъунтІиминналгу суратру дусса. Ва ссупра цуппагу Алжаннавату Адамлуий ﷺ ливксса ссупра бивкІссар. Адамлул ﷺ га Шислухъун ﷺ буллулу, буюр бувну бур, га кай-кай бувну бавхІуну, къуршилуву бивхъуну, къункъула диша, куну. Ялагу Адамлул ﷺ цалла чІирттараяту цаппара чІарарду ларсун, га къуршилуву дирхъуну, Шислухъ ﷺ увкуну бур: «Вай чІарарду ласи. Агана инава ца захІматшиврувун агъарча, вай вицилла архІал ласи, вай вихъра духъурчан, ина вила душманнаяр ххув хъунтІиссара. Вай чІарарду кІяла хъувкун, вил ажалгу гъан хъуссар, му щинал инагу ивчІантІиссара» - куну. Яла цала кІиссагу ливккун, Шислухъун ﷺ буллулу бур. Га къуршигу, гай сукІуфругу буллулу бур. «Вила уссицІал КъабиллуцІал дяъвигу ба, Аллагънал ﷺ вин кумаг бантІиссар» - куну бур.

Адам Алжаннава увкуну махъ ва дунияллий азарда шиная ливчІун ур.

Бунагъ баврий рязи шавугу – хъун бунагъри

Хъун бунагъру

Ца чара бакъанува дунгъузрал дикІ дукавугу, чапур хъусса задрал дикІ дукавугу – хъун бунагъри. Му дакъа дукансса дакъасса чІумал, му къадукарча ккашил ивчІавай ухъурча, му чІумаллив, ккаши лиххансса къадар дукансар.

Зума тІий, хъазам битлай, бакІ битлай, аьсив хъанахъавугу – хъун бунагъри. Зама тІисса щарсанил чІунияр Аллагънан ﷺ сси бизансса, къаччисса чІу бакъассар. Му учайманахагу, вичІи дирхъуманахагу, муничІа бавцІуминнахагу Аллагъналгу ﷺ, малаиктуралгу нааьна дайссар. Зума тІий диркІсса щарсса Къиямасса Къини гъаттавату цІарал хІажакгу ларххун, хъяшхъарданул лаххия ларххун, къатІирандалул хІурни ларххун дизантІиссар. Дуржагъравугу ккаччи кунна аьв-аьв тІий занантІиссар.

РухІ дусса хІайван-инсан икІу, цамур зад бикІу цІараву ччунчавугу – хъун бунагъри. Аллагъ ﷺ акъаманал цІарайну аькъуба дулун къабучІиссар. ХІатта нацІ цІарайн бутан къабучІиссар.

Янналуву, багъу-бизулуву хъаннил арамураха, арамура хъаннича лашаву дуллалавугу – хъун бунагъри.

Чапуртураха лашаву дуллалавугу – хъун бунагъ-

ри, дуканссаннуву, лаххиялуву, багъу-бизулуву, ми ххуй бизлай, миннал дурмур дуллай.

Зуначитурал дянив лъазалашиву дуллай, ми кунначІан ку биян буллалавугу – хъун бунагъри.

Лас акъаманан ххуй бизаншиврул хъаннил чурххал базу, кІиз чІалачІи бавугу – хъун бунагъри. Мукунма, цивпа ххуй бизаншиврул бючІлай, бакъин хъанахъавугу бунагъри.

Зюннав-дачІу рищаву, чугур-чагъанту бищаву, ми кунмасса цайми бищавугу – хъун бунагъри. Миннух вичІи дишингума хІарамссар. Ми бишлай бивкІсса миннан Алжаннул неьматрал макъандалул чІу къабаянтІиссар.

Мукунма, цайми оьккисса балайрдугу, макъанугу, оьккисса къавтІавугу, бучІи бакъасса махсарахъярчругу, хъаннивух хІала-ккалашивугу, шагъватрай хъанних уругавугу хІарамссар. ХІатта щарссанил ссипатравун урган къабучІиссар. Хавар бакъа я шурчагу, кІура баен банссар.

Вакъфу, васийятраву карчаншиву дурну, ми хІакъирай тІайла къабуккавугу хъун бунагъри. Ми тІайла къабуккайсса къатлуву цичІав барачат къабикІайссар.

Оьмур бува, хъинмур мабара чавугу – хъун бунагъри. Халкъуннал дянив хъинмур буллалима айшун уллай, мабара тІий оьрму буллалиманацІун ка бакълай, мунахъ бува тІавугу хъун бунагъри.

Бунагъ баврий рязи шавугу – хъун бунагъри, цалва бувсса бикІу, цаманал бувсса бикІу.

Цалва бувсса бунагъ цаманакъ пахрулий бусавугу – хъун бунагъри.

Цуксса чІивисса бухъурчагу, аьлимчувнал бунагъ бавугу – хъун бунагъри, мунал баву сававрайну, хІалалсса ххай, цаманалгу буллай ухъурча.

Вай кунмасса хъини бунагъру цаймигу чІявуссар. ХІатта инсаннал цалва бунагъ байни, му чІивири, мунийну ци хъунхура куну, къюкьин бувну гъан мабарача. Мунил чІивишиврух къаурувгун, цува аьсив хъанахъаврих уругуча. МуначІа, му хъун бунагъну бикІангу ихІтІималссар.

ХІасил, гъарца аьсившиву цуксса чансса духъурчагу, даим дуллайнма аьдат хъуну ухъурча – мугу хъун бунагъри. Хъун бунагъ бувну, му баврия пашман хъуну аьфву ба тІурчагу, мугу чІиви бунагъри.

НасихІатуль-аьвам («ГъунчІукъатІан»)

Зуна бавричан гъан машару

Аллагънайн мюттйймур ягу Иблислух вичи дирхъумур?

(дайдихъу хъхъичИмий номердай)

Миъражрал хъхъуну Мухаммад Идав-син     ккавккун бур цавай инсантал, ппив-ххив хъусса чурхругу бусса, чапалшивурттал кунц уллун бивчусса. Идав-сил     ц увххуну бур Жабраил малаикнахъ: «Вай инсантал цари?» – куну. Жабраиллун жаваб дуллуну дур: «Вай бивк ссар ч юлу хъанай, цайминнан цивппа ххуй бизан, зуна баншиврул».

Зуна бавричансса цалчинмур ша хъанахъиссар хъаннил т ирт усса янна лаххаву. Цамур бакъанугу, хъамитайпалул чурххайн адиминал я щавугума бунагъ хъанахъиссар. Адимина хъамитайпалулчан гъан хъуну, ганищал к ул хъуну, ихтилат баврил цалчинсса савав хъанахъиссар га хъамитайпалул янна т ирт усса душиву. Му гъарцаннан к улсса зад бур. Мукун лархсса хъамитайпалун Аллагъная     нигъ дусса адимина хъунаакъирча, мунал гацана гания цалва яру цамур чулунмай бурган бант иссар. Мукунманан Аллагу Тааьланая хъунмасса чире бийиссар, хъамитайпарив, тавба дурну пашман къахъурча, Къиямасса Къини ганин танмих  бант иссар. Агана т ирт усса янна лархсса хъамитайпалун цуппа кунасса, Аллагънал     амурду биттур къабайсса адимина хъуна акъирча, миннал дянив бюхъайс-

сар тач ав Алжан къаккансса иш хъун. Шариатрайн бувну, мукунсса бунагъчитуран ва дунияллийва тяъзир байссар. Амма жулла х укуматрал конституциялин бувну, зуна байминнан танмих  бан буч ину бакъар. Мунияту мукунмий Къиямасса Къини дуч аннин цалва бунагърах жаваб дулунт ий бакъар. Мукун бушиву миннан цанма къахъинни, цанчирча, Ахиратравумур танмих  дунияллиймунияр цукссагу зах матссар.

Ца ч умал к илчинма халиф Оьмар-ас аблуд ан     ца хъамитайпа бувк ун увкун бур: «Вил арснал на зуна баврин к унк у бувунна» - куну. Оьмардул     цала арснайн оьвкуну, ц увххуну бур: «Ванил т имур т айлассарив?» «Т айлассар» - куну бур арснал. Микку халифнал амру бувну бур цала арснан Шариатрайн бувну танмих  бан ттуршийлла тархъ ришун. Халкъуннал яруннил хъхъич  бусурманнал амирнал арс аллания лаглан ивк укун, циняв бивк ун бур халифнахъ ялтту уч аву ч а т ий. Амма Оьмар-ас аблуд у увкуссар: «Т ул умуд бур Ахиратраву Аллагънал     ванай ц ими бансса. Ва танмих райнч ин Аллагънал     ванал бунагъ багъишла битан бюхъайссар». Ттуршулчин ттархъ риршусса ч умал Оьмар-ас аблуд у арснал ва дунийл къадиртссар.

Х акъину укунсса танмих  бух ан щипца бюхъант иссар? Ях  бан ччиссагу ц ч ав къалякьинссар. Аьрщараймургума укун зах матсса бухъурча, Ахиратраву зуначитурал чурхру дух ан къашайсса, оьккисса кункьал лавсун нанисса ч умал

цукун бик анссар? Бугъарасса оьрмулун бивну махъ зуна байминнансса танмих  хъиннува хъунмассар, мукунсса инсантал Алжаннавун къабуххайссар ва ссаврунналгу, аьрщаралгу миннан нааьна дуллалиссар. Зуна буллай бивк сса хъанния нанисса чапалшивурттал Дуржагърал ц арангума зарал биян бант иссар. Зуна баншиврул цалва чурхру ч юлу буллай бивк сса араммал ва хъами чапалшивурттал дурц усса кунц уллуну бичинт иссар.

Буслан бик ай, ц анасса ч умал ца-цавай араммал щар хъусса хъаннищал ягу ч аххучунал щарссанищал хъуна бакьлан бик айсса бур т ий. Ч аххучунал щарссанищал бувсса зуналул бунагъ к уссар ц йми ац ра хъамитайпалул бувмунияр.

Ва дунияллий зуна бавриясса яла т ааьн дакъамур х асил – магъар бакъанува бувсса оьрч ри. Х акъину нитти-буттал къабивтссар оьрч ру хъинну ч яву хъуну бур. Ца ч умал на азарханалий утту бивхъусса ч умал, ттун ккавккуну оьрч  бавайсса ац ния мукъра шин хъусса душ. Га бия паракъатну гъарцаннахъ буслай ч аххуоьрч ал ц йва гуж бувну, оьрч ан хъушиву. Оьрч  бувкун га шаппай буцинсса пикрилийгу бакъая, цинма хъумур буттан к ул къахъуншиврул. Ва душ кунмасса иширавун багъаву – ца бала, амма цукунугу бувч лай бик ан аьркинни цилва лякьлуну сагъсса инсан лавсуну занай бушиву ва ганал ялун биянт имунихсса жаваб цинна дулун багъант ишиву.

(гихунмайгу буссар)

Арснал щар – ласнал нину



Ца ч умал ххюра шинай куннинку ххал къавхъусса к ива дусъсса хъамитайпа хъуна бавкуну бур. Миннал дянив укунсса ихтилат байбивхъуну бур.

- Асият, вин вилла ласнал нину ххирарив?

- Ххирар, циванни ххирану къадик ан. Га ттул ласнал нинурхха, ганил жун цич ав оьккисса къабай.

- Ттун къаххирар. Ласнал ссурвал, уссурвал ва ганал циняв гъан-маччамий ккавк ун къачча.

- Щарссанин цила ласнал нину, гъан-маччамий ва цинявпагу бусурман ххирану бик ан аьркинссар.

- Ласнал ссу ялагу бух ан хъунссар, га цилва ласнал къатлуну щябивк ун бур.

Амма ласнал нину ккарк укун, ттул иттату чани ласай.

- Яр ганил вин ци буври?

- Жуш ал арх ал яхъанай душиву къагъарив? Ялагу ци бан аьркинссар?!

- Вин анаварну тавба дан аьркинни, Гулжан. Вилла ласнал ниттия цич ав оьккисса маучаванна. Ганил вила ласувну т ий Аллагъайн     щукрулий бик у.

- Ттуну вин на инава кунма ганил лагма лих лай «дадай, дадай» т ий ччай бури. На мукун к юкьаласса к анайн къабайссар.

- Ттухъ ц уххирча, мукун буллалавриву цич ав оьккишиву дакъар. Аллагънал     ттул ласнангу, ганал нитти-буттангу, уссу-ссурваврангу оьрму лахъи баннав, дунияллий ва Ахиратра-

ву талих райн буциннав!

- Ттулми анаварну лит уннав, ттула лас лич аннин циняв.

- Астагъфируллагъ! Асият, Вин Аллагъная     нач дакъарив! Вил гъанчув бусурман бакъарив. Вища мукун учин цукун шай?

- Бухъурчагу ттун гай къаххирар.

- Зул къатта-къушливусса тагъар цукунсса дур?

- Лас зий уссар. Шариатрайн бувну кулпат ябаву ганал буржрихха.

- Вах ! Вин Шариатту к уллив? Му Шариатраву щарссанил цавагу бурж бакъарив?

- Муниямур на къабуккара. Ласнал ттун ччимур къабарча, цанма ци хъунт иссарив ганан к улссар.

- Вилва мукъвагу оьрч  тарбия бан зах мат шайрив? Миннал нинушиву дан бюх лай бури вища?

- Циванни къахъун. Миннал аьлагъжа булларча, на ми ца-ца мурц ув ца-ца бац ан байссар. Оьрч ру ттул ласнал хъхъич сса къалхъаннихха. Ганал ттун къаччисса т ул дарча, на оьрч ругу бувцуну лихъансса ххай уссар.

- Гулжан, вил ласнанмагу цалва гъанмий ххирарив?

- Хъхъич ва ххирассия, ц анарив ттул хъхъич  гайнния ссих рагу къадук айссар, цала ниттил ц а учин нигъагума усай. Мукун бакъахъурча, цалва оьрму к урч исса бик аншиву ганан хъинну к улссар!

- Ттул ссу Гулжан, вий так ц ими бан аьркинни. Ина ва вил лас кунмасса инсантурал дуаь Аллагънал     къамул къадайссар.

- Ттухъ аькьлурду мабусларда, Асият. Ттунма вияр ххуйну ци хъинссарив к уллича.

- Т айламур бусан, ина ттуц атува архну ялапар хъанай бунут ий на хъинну ххариссара, мукун барачат бакъасса хъамитайпа ттунма ч явуну ххал хъанай бакъанут ий.

- Нагу ина кунма ах макъсса, цилла буттал нинугу ххирасса хъамитайпа

ккаккан х ул бивхъуну бакъассияв.

...Га гьалгъа хъуну махъ 23 шин ларгун дур. Ца к ини Гульжан Асиятлуд ан шаппай бувк ун бур.

- Асият, бивзрав. На Гульжан бура, буч ирив вич ан.

- Вагъ, Гульжан! Ина ттун къабувч унна. Вин цивхъур?

- На бувк ра ттулла дард вищал к идач ин.

- Цивхъур?

- Ттулла арснал щарнил на шаппату буккан бувунна, банмур бухлавгун на вич ан бувк ра.

- Вин виярда оьсса арснал щар бак райн дагърив?

- Дагъунни, Асият! На ттулла буттал щарнин ка гъаз къадайссияхха!

- Гъаз къадувхъурчагу, дан ччай бивк ссара. Вил нийят вил арснал щарнил т айла дац ан дурссар.

- Ттул щавулийн ц у мабичларда, Асият.

- Ттул пикрилий ина вилва ласнал гъанчунан диян дурсса к урч ишиву вич анна зану дирк ун дур.

- Ххал барча, ттул ласнал нину дирк уну махъгу, ганил на паракъатну битан най бакъара.

- Му ласнал нину дакъар, Гульжан, му Аллагънал     жазагъри. Аллагу Тааьланал вин вихара лархъхъусса арснал щар дуллуну дур.

- Я Аллагъ! Ттул ласнал нину зану дирк ссания. Утти на ганиха хъинну х урмат банссия. Арснал щарния ва к юкьала ккакъаяр, на ттулла ласнал ниттиха х урмат банссияхха. Мийжанугу, нава бувсса зулму ттуйнма зану бивк унни.

- Гульжан, цуксса лахъну аьт урчагу, вил ласнал нину махъуннай зану къадик ант иссар. Нану, ина вилла арнал щарнищал дакъил дан шайрив ххал баннача.

- Я ттул ласнал нину! Утти ина ттун хъинну ххирара! Ина сагъну бусса ч умал вил арсту ххуйсса ия. Ина ттун хъинну-хъинну ххирара!...

Цури ивкІсса Имам Шамил?

1 « ХІакъину жулва дянив укунсса инсантал бушиври-ву чичІав махІатталсса бакъар, цан чирча, га заманнайва азарахъул жулва «дагъустанлувтал», «бусурмантал» душманнал чул бувгъуну, Имам-найн къаршину талай бивкІунтІий.

Имам Шамиллун ва цаймигу Аллагънал ﷺ валийтурайн хъуй бакъасса махъру тІиминнал хъуннасса нигъ дуссар ялун бала ликкаврия. Циван? Аллагъу Тааъла ХІадисул-Къудсилува тІий ур: «Тгул валийтурацал талатиминнан На дяъви баян буллау ура». Мукунсса инсантуран чара бакъа тавба дан аьркинссар, цайнма бала къабияншиврул. Имам Шамил хъуннасса даражалул валийнугу, муршиднугу ивкІссар. Аллагъу Тааъла-нал мунан дуняллулгу, Ахиратлулгу аькълугу буллуну, Дагъустан чапуршивруя буруччин тІайла увсса имам ивкІссар. Идавсил ﷺ ва халифтурал замануяр махъ яла тІайлама имамну Шамил ивкІссар учин бучІир. Хъунисса аьлимтурал увкуну бур: «Имам Шамил ряххулчинма халифри» - куну. Шайх Шуаьйб-афанди аль-Багини (къ.с.) чичлай ур: «Мукъа халифнал ва Оьмар бин Абдулаьзизлул хъирив бусурманнал тарихраву Имам Шамиллул чІумал кунна камилну Шариатрал хІукмурду биттур буллагІсса имамат къадиркІссар» - тІий.

Шамил ивкІссар Накъшубанди тарикъатрал хІакъсса устазнугу. МухІаммад Ярагъинал (къ.с.) ва Джамалуттин Гъази-Гъумукъинал (къ.с.) бакъасса, Шамилухъхъун иджаза (изну) Исмаил аль-Курдумериналгу (къ.с.) дуллуну диркІссар. Цавайннал учай Имам Шамиллул тарикъатрал вирд дуллау къаивкІссар, куну. Гъигъащи тІисса Цумадиал районналийсса шяравасса аьлимчув ХІусайниев МухІаммад буслай ур, га заманнай Гимриллул кучарду ГъазимухІаммадлулчІан ва ШамиллулчІан бивкІсса муридтурал бувцІуну бивкІшиву. Миннал аьмаллугу тІайласса, ШариаттрацІун бавкъусса бивкІссар. Мунин хІуччану хъанай бур, гъарца дуняллул муридниятусса инсантал Имам Шамиллул чІарав бацІлай бивкІшиву. Аьрабнаву, Азиянаву, Турциянаву мизитирттаву, зияратирттай Имам Шамиллун ва ганал муридтуран дуаьрду дуллау бивкІссар. Гайннал Маккалияту ИмамначІан чагъарду чичайсса бивкІссар. Га заманнул хъунисса аьлимтурал тастгикъ бувсар Имам Шамиллул ва ганал муридтурал дуллалимур тІайласса душиву ва мукунсса Имамнайн къарши увкма аьйкьинтІишиву. Вана укун чичлай бивкІссар Маккалал ва Мадиналул хъунисса аьлимтал. Аллагъу Тааъла-нал Имам Шамиллун чІярусса караматру, хасшивуртту дуллуссар. Масалдаран, Имамнайн къарши увксса инсаннан Аллагънал ﷺ ва дуняллийра аьзав дулайсса диркІссар. Жунма кІулну бикІан аьркинссар ва хІукму хІакъинусса къинигу баххана къавхъуну бушиву. Цанчирча, Имам Шамил накълу шаврийну Заннал ﷺ хІукму баххана къашайнутІий. Аллагъу Тааъла мудангу уттавассар. Имам Шамиллун махъ учайсса, му къаххирасса инсантуран Аллагънал ﷺ хІакъинусса къинигу аьзав дулайссар. Цамургу Имам Шамиллул караматшиву – мунан инсан ккавкний, ганах ца я бивтун, га цукунсса инсан уссарив кІул бан шайсса бивкІссар: га муьминчув урив, мунафикъ урив. Аллагънал ﷺ ганан мукунсса карамат дуллуну

дур, инсаннал ненттабакІрай «чапурчув» ягу «муьминчув» тІисса чичру чІалан дикІайсса диркІун дур. Мунияту Имамнал гъарца инсаннащал цанма лайкъсса багъу-бизугу бивкІун бур.

Имам Шамиллул ва ГъазимухІаммадлул цамургу карамат диркІссар. ГъазимухІаммад имамну усса чІумал оьруснал тІалав буллау бивкІун бур зунттал инсантал аманатрахлуну цахъхъунма булун. ГъазимухІаммадлул увкуну



бур: «Миннахъхъун инсантал булун къабучІиссар», - куну. Имам Шамилли ивкІун ур аманатрахлуну булун бучІиссар тІий. Мунил цІаний миннал дянив бяст багъну бурча, Шамил къаххирасса инсантал бивкІун бур: «Ачу жува Шамил утанну», - тІий. Микку ГъазимухІаммадлул увкуну бур: «ИвчІанния му жува ивчІанну, амма мунал жаназа Мадиналив диян щилли дантІисса?» - куну. ГъазимухІаммадлул ганал чурх Мадиналул аьрщарая бусса кІулну бивкІун бур. Гъарца инсанляхъан увну уссар цува ахирданий зана икІантІисса билаятрал аьрщарая.

Имам Шамил куния ххюра шиная талай ивкІунгу, ганал элмулуха, мутааьлимтураха хъинну хъуннасса къулагъас дайсса диркІун дур. Байтул-малданува чІярусса харж дайсса диркІун дур элму машгъур дулланшиврул. Дагъустаннай чІявусса мадрасартту тІивтІуну бивкІун бур. Элмулуву бюхъу буми Шамиллул гъазаватраятугу тархъан бувну, элму лахълан гъан байсса бивкІун бур. Ганал заманнай дуркқусса аьлимтал ацІвахул даражарттал чІяву хъуну бур. Зунттал инсантуруву буккин-чичин къакІулсса хъинну чансса ливчІун бивкІун бур. Му иш оьрусналгу таст-

тикъ буллау бур.

Имам Шамиллул мурад чапуртал литІаву къабивкІссар. Ярагъуннийну джигъад чапуртал бухлаганшиврул къабайссарча, душманшиву духлаганшиврул байссар. Имам Шамиллул, МухІаммад Идавсил ﷺ кунма, гъазаватрайн укканнин цалва муридтурайн васият байсса бивкІссар: «Зу хъунив хъусса инсантал малитІларду, хъами-оьрчІру малитІларду, ахърухъуру маччучларду. Агана чапур-

чичлай ур: «Дуняллул тарихраву Имам Шамил куна бюхттулсса аьралуннал бакІчи къаивкІссар. Агана Наполеон дяъвилул кІалаш ухъурча, Имам Шамил дяъвилул цІарал ттарцІур».

ХІатта оьруснал генералталгума ганан лахъсса къимат бишлай бивкІссар. Гайннал Имам Шамиллул «дяъвилул гений» учайсса бивкІссар. Ганал дяъви бавривусса гъунарданий, гъарца талатаврива ххув хъуну уккан кІулшиврий гай хъинну махІаттал хъанай бивкІссар. Масалдаран, АхІулгохІрайсса талатавриву оьруснал 33 азара солдат ливтІуссар, Имам Шамиллул чулуха 300 мурид ивкІусса чІумал. Муксса хъуннасса личІишиву диркІссар. ХІатта ца къини оьруснаца АхІулгохІрай 5000 солдат ивкІуссар. Ца талатаврива оьруснал генерал ва кІия солдат зана хъусса ишгума хъуну бур.

Жунма кІулсса куццуй, гъансса, вихшала дирхъусса инсантуралгума хиянатшиву дайсса диркІун дур. Ца чІумал хІайран хъусса Имам Шамиллул укунсса махъру увкуссар:

На ххассал уллан цайнма бакІрайн лавсмий

Хар-хавар бакъанма душмантурал дусталну хъунни

ЦІаллуну вихшала дирхъуминнал ччаллугу

Зана хъуну бивкІун, ттула чурххавун бувххунни.

Вай цивпагу Имам аш-Шафиьнал махъру бур.

Ца кІива махъ бусанну Имам Шамил ясир увссар тІутІаврия. ХІакъну, га ясир увну къаивкІссар, мукун бикІан къабюхъайссар. Циван? МухІаммад Тагъир аль-Къарахъи укун чичлай ур: «Махъра-махъсса ссятраву Гъунибрайсса зунттуу Имам гъарца цащала ливчІсса муридначІан гъан хъанай, ахирданий бияннин талан, шагъидтурал бивкІу ласун миннат буллау ивкІун ур. Аммарив циняв махъунмай бивщуну бур». Жунма кІулну бикІан аьркинссар, цукунхІавсса ясир аву гикку къадиркІшиву. Цанчирча, Имам Шамил оьрусначІан увкІсса чІумал, чиссаксса ярагъ архІалну ивкІссар. Жунма кІулли, ясир бувминнай ярагъ къабитайшиву. ХІатта Шамиллуцал архІал ивкІсса наиб Чиркейлиясса Юнустума ярагъуннищал ивкІссар. КІилчин, Имам Шамиллул оьруснал хъьичІ дирхъуссар цаппарасса шартІру. Ми шартІру къамул дурну махъ бакъа му дяъви бацІан къабанну увкуссар. Имамнал дирхъусса шартІру оьруснал къамул дурссар. Мунияр махъ маслихІатшиврул къутІилий бацІан бувссар дяъви. Ми шартІру цукунсарб диркІсса? Цалчин: Дагъустаннай дин-Ислам ппив шаврихун къабахчилан. КІилчин: Дагъустаннайсса бусурман хач-парасшиву къамул дуллалли къабуллан. Шамулчин: Дагъустаннай зуна байсса къатри къатІитІан. Мукълчин: Зунттал инсантал оьруснал армиялувун къабуцІан. Ххюйлчин: Дагъустаннайсса личІи-личІийсса миллатру куннайну къарши буккан къабуллан. Ялагу чІярусса шартІру диркІссар. Оьруснал ми цинярдагу къамул дурссар, мукунсса къутІи дурну дяъвигу бацІан бувссар. ЦукунчІавсса Имам Шамил ясир авугу къадиркІссар, дикІангу къабюхъайссар.

(дайлитІу хъиривмур номерданий)

8-928-...-99

Хатталул чIарах нанисса чIумал хьамитайпалул бакIрай карци дакъахурча ва Исламрал ккаккан дурсса янна ларххун бакъахурча, бучIиссарив ганин дуаь дурну «АльхIам» буккин?

БакIрай карци къадутаву ягу динналул ккаккан дурсса куцIуцIу янна къалахаву хьунмасса бунагъ хьанахIиссар. Амма мукун къалаххайсса, бусурмансса хьамитайпалун хIатталул чIарах нанисса чIумал дуаь дан ягу «АльхIам» буккин бучIиссар, муниву хIарам бакъассар.

8-928-...-55

БучIиссарив бусурмансса душнин чак къабайсса инсаннан шар хьун?

Бусурмансса душнин бучIиссар чак къабайсса инсаннан шар хьун шариатраву къадагъа дакъассар, га инсан бусурманчув ухурча. Амма чак къабайсса, дин-иътикъад цукунсса дуссарив къакIулсса инсаннан шар хьуну къахьинни. Чак бан къааьркинссар тIий чак къабивтсса инсан бусурманшиврува уклакиссар, чапур хьанахIиссар. Мукуманан шар хьун къабучIиссар. Аммарив чак инкар къабулла, курчIилшиврул, танмалшиврул цIаний ягу гьунтти банна, сарану банна тIий къабулла ухурча, му бусурманчувну личIлачIиссар. Мукунсса инсан фасикъ (бунагъкар) хьанахIиссар. Мукуманан шар хьун бучIиссар.

Нитти-бутгал цалва душ шар булайсса чIумал, хIарачат бан аьркинссар, Аллагъная ﷻ нигъа увъсса, чак байсса, дин дайсса, иътикъад тIайласса, вагъгъабист акъасса инсаннан булун.

Хьамитайпалул ласнал тIимур бан аьркинссарив ягу нитти-бутгал тIимур бан аьркинссарив?

Шар хьусса хьамитайпалул ласнал тIимур бан аьркинссар, мунал тIимур Шариатрайн бувну тIайла бакъасса бакъахурча. Нитти-буттан ва душнин кIулну бикан аьркинссар, хьамитайпа шар буллукун, ласнал ганинсса хIакъ нитти-буттаяр ххишаласса биклайшиву.

8-928-...-59

БучIиссарив Ас-Салам кказит ва цаймигу динналул чич-рурду дусса чIапив ччуччин? ТтучIа ми хьинну чIярусса цачIун хьуну дур?

Ас-Салам кказит ягу цайми динналул чичрурду дусса чагъарду винма аьркинну бакъахурча, ччувччунунияр, чIаххувран, гьан-маччаминнан буллуну хьинссар, гайнналгу буккиншиврул. Муниву хьунмасса чиригу буссар. Буккин къашайсса тагъарданийсса бухурча, ччувччуну, гайннуя хьусса лах инсаннал ччан къабизайсса кIанай аьршараву буччин аьркинссар.

8-928-...-16

Чурххай татуировка дусса инсаннал хьирив авцIуну чак бан бучIиссарив?

1. Му татуировка дан къабучIишиву кIулну бунагу дурну духурча, мунал буржри шайкун анаварну му лиххан дан, бурчун зарал биян бан багъарчагума. Мукунсса инсаннал чаклин иссаву хIисав дакъассар ва мунал чакгу дурус къашайссар. Мукунсса имамнал хьирив чак бангу къабучIиссар.

2. Татуировка дан хIарамсса бушиву къакIулну дурну духурча, мунай ялувссар тавбагу дурну, бюхълай бухурча, татуировкагу лиххан дан. ДухIан къашайсса цIуцIаву хьанай, леххан дан бюхълай бакъахурча, мунан аьфву буссар. Мукуманан чаклин иссаву, чакгу Шариатрайн бувну хIисавссар, имамну ацIангу бучIиссар.

8-928-...-65

Чаклин ивссуну акъахурча, бучIиссарив катIри ларххун Кьуръан канил бугъан?

Чаклин къаивссуну Кьуръанналин ка лаян къабучIиссар, хIарамссар. КатIри лаххарчагу, чаклин къаивссуну га канил бугъан къабучIиссар. Мукунма Кьуръан чантайлуву ягу кьуршуву бивхьуну канил бугъавугу хIарамссар. (ФатхIуль-Муэн).

8-963-...-38

БучIиссарив ласнал цалла циксса арцу ляркъуссарив шарссания кьютI булла, ганихьхь-цун арцу къадулла?

Шариатрайн бувну, ласнал бурж хьанахIиссар цалла шарссания дукансса ва янна ласунсса арцу дулун. Мунияр махъ лирчIимий арцу циксса дуссарив шарссаниян кIул буллан аьркиншиву дакъассар.

8-988-...-78

ХьхьичIра-хьхьичI МухIаммад Идавсил ﷺ лавсун увкIмур къамул бувну Ислам къамул щил дурссар?

Цалчин Ислам къамул дурсса инсан хьанахIиссар Идавсил ﷺ кулпат Хадиджат бинт Хувайлид. Мюржисса оьрчIава хьхьичIра-хьхьичI къамул дурссар Аьли-асхIаблул ﷺ, арамурава – Абубакрдул ﷺ, лагътурава – Билял-асхIаблул ﷺ.

8-963-...-38

Цалчин азан (акбар) увкунсса инсан цури?

ХьхьичIва-хьхьичI азан увкусар Билял-асхIаблул.

8-928-...-02

Тгун бавунни хамис кьини щинавун учIан къабучIиссар тIий. Му тIайлассарив?

КъатIайлассар, щинавун учIан, марцIшиву дан ихтияр дакъасса чIун дакъассар.

8-929-...-07

Шариатрайл бувну биххан къавхьунма яттил хIайван бивчIарча, му бусурманчув акъасса инсаннан булун бучIиссарив?

КъабучIиссар («Фатава ибн Зияд»).

Дагестанский исламский университет им. шейха Мухаммад-Арифа (ДИУ) объявляет набор на 2010-2011 учебный год.
Прием документов с 1 июня.
Адрес приемной комиссии:
РД, г. Махачкала, ул. Дахадаева, 136
Тел.: (8722) 67-55-07

ХIурмат бусса уссурвал ва ссурвал! Зунма цIуххин ччисса, ИсламрацIун, ШариатрацIун, кулпатрал багъу-бизулуцIун бавхIусса ва м.ц. суаллу гьан бан бюхъайссар SMS – райхчIин вай номердайн:
8-928-580-37-89
8-928-671-99-03.
e-mail: assalamlak@mail.ru

Рузнама

Июнь

Кьини	КIорххил чак	Баргъ-буккаву	АхтIайн чак	АхтIакьун чак	МаркIачан чак	ХьатIан чак
1	2.53	5.15	12.53	16.56	20.34	22.33
2	2.53	5.15	12.53	16.56	20.34	22.33
4	2.55	5.16	12.53	16.56	20.33	21.31
6	2.58	5.18	12.54	16.57	20.32	22.30
8	3.01	5.18	12.54	16.57	20.31	22.29
10	3.03	5.20	12.55	16.57	20.30	22.28
12	3.06	5.21	12.55	16.57	20.29	22.26
14	3.09	5.22	12.55	16.56	20.28	22.24
16	3.11	5.24	12.55	16.56	20.26	22.22
18	3.14	5.26	12.55	16.56	20.25	22.20
20	3.17	5.27	12.55	16.56	20.23	22.16
22	3.19	5.29	12.55	16.55	20.23	22.14
24	3.23	5.31	12.55	16.55	20.21	22.10
26	3.26	5.32	12.55	16.54	20.20	22.07
28	3.30	5.34	12.55	16.53	20.18	22.03
30	3.34	5.36	12.55	16.53	20.15	22.00

Зунттал районнай ахтIакьун чак байссар 10 минутIрал чIалну, маркIачан чак – 5 минутIрал чIалну.